

Այդ պաշտօնը ստանձնուեցաւ Միրզա Մահմէդ խանին: Վերջին էնդէլի հասնելուն պէս՝ ընդունեց Ռուսաց զեսպանութիւնից ընծաները և Շահի մօտ գնալիս ճանապարհին լսեց նորա սպանման լուրը:

Այլեւս չշարունակեց ճանապարհը և իրերը իւր հետ վերցրած՝ վերադարձաւ Գիլան և այն տեղից էլ ընտանիքի և թիկնապահների հետ միասին ուղեւորուեց գէպի Բագու: Սպանել տուեց Շահի նշանակած Գալիմին և իրան հրատարակեց իշխող խան: Կառավարելով խանութիւնը անկախ իրաւունքներով, նա բարեկամական յարաբերութեանց մէջ էր հարեւան խաների հետ, իսկ Ղուբայի Ֆեադալի խանի հետ, որը միւսներից վտանգաւոր կարող էր լինել նորա համար՝ ազգակցութեան մէջ մտաւ: Իւր որդի Մելիք — Մահմէդ խանին ամուսնացրեց նորա հարազատ քրոջ Ֆեադմա սուլթանի հետ:

Այդպէս ապահովելով իւր խանութիւնը ներքին թշնամիներից, Միրզա Մահմէդ խանը իւր կնոջ Զէյնաբ խանումի հետ ուղեւորուեց Մէկկա, որտեղ և մեռաւ 1760 թ. իսկ կինը թիկնապահների հետ միասին վերադարձաւ Բագու:

Հաջի Միրզա Մահմէդ խանին յաջորդեց իւր որդի Մելիք — Մահմէդ խանը, որ ունէր մի որդի իր պապի անունով և կոչուում էր Միրզա Մահմէդ խան երկրորդ. նա ունէր եւս մի աղջիկ Փիր Զադան խանում անունով. դոքա ծնուել էին Ֆեաթմա Սուլթան Բիհամբա մօրից: Մելիք Մահմէդ խանը կառավարում էր Բագուայ խանութիւնը 21 տարի խաղաղութեամբ, առանց արտաքին յարձակումների ենթարկուելու, որովհետեւ նա ապաւինել էր իւր աներորդու հզօրութեանը. Ղուբայի Ֆեադալի խանին միւս խաները հպատակուում էին և իբրեւ աւատապետ բոլորն էլ հարկ էին վճարում: Ո՛վ չէր հնազանդում՝ ենթարկուում էր մահուան պատժի. պատժի տեղն էլ նշանակուած էր Բագուն: Իներէնդի Մահմէդ Հուսէին խանը Ֆադալի խանի հրամանով աչքի լոյսից զրկուեցաւ, ուղարկուեցաւ Բագու, որ տեղ և մեռաւ կալանաւորութեան մէջ. իսկ Շիրվանի Աղասի խանը իւր որդիներանցով Ահմէդ խանով ու Մահմէդ խանով թաղուած են Բագուում. դոցա.